

春
明
夢
餘
錄

影印说明

本书撰者孙承泽字耳北，号北海、退谷，北京人，崇祯进士，入清至吏部左侍郎。是书七十卷，记载明代北京的建置、形胜、城池等事，共分十四门。其中官署一门四十卷，居全书过半，体例兼有政书、掌故、方志之特点；而以政书内容为详。内引实录、邸报、上谕、章疏及古代文献资料极详博，于明典章源流迁革、中央机构职掌和北京地理人文研究均有较高的史料价值。现据光绪间刊本影印出版。

江苏广陵古籍刻印社

一九九〇年六月

古香齋集目錄

卷一

建置

卷二

形勝

卷三

城池

卷四

畿甸

古香齋集目錄

卷五

城防

卷六

宮闕

宮官

內官監

卷七

正殿

卷八

殿門

卷九

文華殿

卷十

文華傍室

卷十一

武英殿

仁智殿

卷十二

古香齋集目錄

文淵閣

卷十三

皇史宬

卷十四

天壇

祈穀壇

神樂觀

儀牲所

卷十五

山川壇

神祇壇

太歲壇

先農壇

旗纛廟

卷十六

地壇

朝日壇

夕月壇

喜齋春園書錄

目錄

卷十七

太廟

卷十八

泰先殿

景神殿

玉芝宮崇先殿

卷十九

社稷壇

先蠶壇

高禘臺

西海神祠

卷二十

帝王廟

卷二十一

文廟

卷二十二

三皇廟

都城隍廟

喜齋春園書錄

目錄

漢壽亭侯廟

宋丞相文信國祠

于少保忠肅祠

卷二十三

內閣一

卷二十四

內閣二

卷二十五

六科

卷二十六

尚寶司

卷二十七

光祿寺

卷二十八

中書科

卷二十九

宗人府

卷三十

嘉慶御覽目錄

五軍都督府

卷三十一

戎政府

卷三十二

翰林院

卷三十三

詹事府

卷三十四

吏部

卷三十五

戶部一

卷三十六

戶部二

卷三十七

戶部三

卷三十八

戶部四

卷三十九

嘉慶御覽目錄

禮部一

卷四十

禮部二

卷四十一

禮部三

卷四十二

兵部一

卷四十三

兵部二

卷四十四

刑部一

卷四十五

刑部二

卷四十六

工部一

卷四十七

工部二 寶源局

卷四十八

皇清朝野餘錄

都察院

卷四十九

通政司

卷五十

大理寺

卷五十一

太常寺

卷五十二

四庫館

目錄

七

卷五十三

太僕寺

卷五十四

國子監

卷五十五

府學

卷五十六

首善書院

卷五十七

皇清朝野餘錄

太醫院

卷五十八

欽天監一

卷五十九

欽天監二 觀象臺

卷六十

鴻臚寺

卷六十一

行人司

目錄

八

卷六十二 蘇州府志卷之六十二

上林苑

卷六十三 蘇州府志卷之六十三

錦衣衛

卷六十四 蘇州府志卷之六十四

名蹟

卷六十五 蘇州府志卷之六十五

名蹟

卷六十六 蘇州府志卷之六十六

寺廟

卷六十七 蘇州府志卷之六十七

石刻

卷六十八 蘇州府志卷之六十八

魁纛

卷六十九 蘇州府志卷之六十九

川渠

卷七十 蘇州府志卷之七十

陵廟

目錄 九

蘇州府志卷之六十二

水陸寺 蘇州府志卷之六十二

蘇州府志卷之六十三

蘇州府志

蘇州府志卷之六十四

蘇州府志卷之六十五

蘇州府志卷之六十六

蘇州府志卷之六十七

蘇州府志卷之六十八

蘇州府志

蘇州府志卷之六十九

蘇州府志卷之七十

蘇州府志卷之七十

蘇州府志卷之七十

蘇州府志卷之七十

蘇州府志卷之七十

蘇州府志卷之七十

蘇州府志卷之七十

目錄 十

古香齋寶袖珍春明夢餘錄目錄

蘇州府志

蘇州府志卷之六十二

蘇州府志卷之六十三

蘇州府志卷之六十四

蘇州府志卷之六十五

蘇州府志卷之六十六

蘇州府志卷之六十七

蘇州府志卷之六十八

蘇州府志卷之六十九

蘇州府志卷之七十

古齊齋鑿異袖珍春明夢餘錄卷之一

北平孫承澤著

建置

昔黃帝建都於涿鹿卽京師地史稱帝都涿鹿之阿往來遷徙以兵爲營衛蓋燕地在漢以前通名爲涿至漢高帝六年始分燕置涿郡水經注引應劭云涿水出上谷涿鹿縣按涿水自涿鹿東注濕水濕水東南逕廣陽郡與涿郡分水涿郡受其稱矣今保安州西南九十里有涿鹿山黃帝破蚩尤於此州東南四十里有軒轅城

嘉慶朝夢餘錄卷一

堯建都於冀燕冀地也古者中國之地分爲九州大河以北爲冀堯都平陽此其甸服也及舜卽位以冀地太廣始分冀東恒山之地爲并州東北醫無閭之地爲幽州又分遼東等處爲營州皆冀也漢末曹操領冀州牧又統名爲冀昌平有漢人張純碑稱冀州從事循古稱也

周禮職方東北曰幽州釋名曰在北幽昧之地故曰幽也又曰燕之爲言燕也其氣內盛而燕宛也爾雅曰兩河間曰冀又冀近也

周封召公奭於燕封堯之後於薊史記注云薊今涿郡薊

縣是也卽燕國之都水經注薊城西北隅有薊邱故以名之猶魯之曲阜齊之營邱

燕有二國一稱北燕姬姓召公所封一稱南燕媯姓黃帝之後地里志曰東郡燕縣南燕國無世家不知其君諡號惟魯隱公五年衛人以燕師伐鄭杜云南燕國莊公二十年鄭伯和王室不克執燕仲父杜云南燕伯見傳耳此據左傳及註疏之文是以北燕爲召公所封南燕爲黃帝之後也按史記武王未及下車而封黃帝之後於薊註今涿郡薊縣是也卽燕國

嘉慶朝夢餘錄卷一

之都孔安國司馬遷皆云燕國召公與周同姓黃帝姓姬君奭蓋其後也或黃帝之後封薊者滅絕而更封燕郡乎

秦始皇二十三年滅燕以爲廣陽郡漢高祖封盧縮爲燕王漢光武封叔父良爲廣陽王其城有萬載宮光明殿王莽改曰廣陽縣

廣陽水名水經注云廣陽水東南至陽鄉縣右注聖水聖水入東南逕陽鄉城西縣故涿之陽亭也志云陽鄉城在今府治西南二十五里

京西南有盧王屯在安次縣常道鄉二十五里漢燕王盧綰屯軍與劉賈夾攻燕者各名盧綰屯按常道鄉在耿就橋西去安次縣五里唐貞觀中縣治也魏燕王子奐封常道鄉公即此

幽州在唐為瀋陽郡置盧龍軍節度使石晉天福元年割山後十六州賂契丹燕土遂淪異域至金天輔五年以燕京及涿易順景薊六州還宋宋宣和四年改燕山府為永清軍郭藥師叛金人復取之地復歸金先是顯德中周世宗親策兵復瀛鄭諸州將抵幽病還宋太祖置封梅

喜慶卷一

卷一

三

厚曰誓割幽燕以遺契丹使一方限於境外朕甚憫之俟厚滿則以此酬之不然散滯財募勇士以圖攻取然終宋之世未能復也

宋太宗垂拱中吏部尚書宋琪請復幽燕疏其言幽燕情形甚悉疏略曰大舉精甲以事討除靈旗所指燕城必降但徑路所趨不無險易必若取雄霸路直進不免更有陽城之圍蓋界河之北陂淀坦平北路行師非我所便况軍行不離於輜重賊來莫測其淺深欲退回輜西逾山路令大軍會於易州循孤山之

喜慶卷一

卷一

四

北涑水以西挾山而行携糧而進涉涑水並大房抵桑乾河出安祖砦則東瞰燕城及一合此是周德威收燕之路自易水距此二百餘里並是沿山村墅連延溪澗相接採薪汲水我占上游東則林麓平岡非戎馬奔衝之地內排槍弩步隊實王師備禦之方而於山上列白幟以望之戎馬之來二十里外可悉數也從安祖砦西北有盧師神祠是桑乾出山之口東及幽州四十餘里趙德鈞作鎮之時欲遏西衝曾塹此水况河次半有崖岸不可輕度其平處築城護

之守以偏師此斷彼之右臂也仍慮步奚為寇可分雄勇兵士三五千入至青白軍以來山中防遏此是新州媽川之間南出易州大路其桑乾河水屬燕城北隅繞西壁而轉大軍如至城下於燕丹陵東北橫堰此水灌入高粱河高粱岸狹桑水必溢可於駐蹕寺東引入郊亭淀三五日瀾漫百餘里即幽州隔在水南玉師可於州北繫浮梁以通北路賊騎來援已隔水矣視此孤壘決可心克初宋太祖欲取幽薊以地圖示趙普普曰陽必出曹翰帝曰然又曰翰可取

否晉曰翰可取孰可守帝曰以翰守之晉曰翰死孰可代帝不語久之曰卿可謂遠慮矣帝自此絕口不言伐燕及太宗平河東出討幽薊久未班師普手疏極諫其謂陛下信邪謂之徒又謂望陛下精調御膳保養聖躬其言極切帝報曰將帥不遵成算往復勞瘁為遼人所襲此責在主將也朕踵百王之末粗致承平蓋念彼民陷於異地將救焚而拯溺匪黷武以窮兵卿當悉之也疆場之事已為之備卿勿為憂遂罷進取之兵而宋之弱實基於此

遼會同元年立為南京開泰元年號燕京金海陵貞元元年以燕乃列國之名不當為京師號稱中都元太祖於貞祐乙亥平中都金主奔汴至元四年城京師稱大都

燕之稱京不始於遼也宋人方回曰燕將戚荼王燕郡薊今燕京大興府北有薊縣又曰陶淵明詠荆軻曰提劍出燕京燕之名京久矣按燕京易州西北乃金坡關即紫荊關昌平之西乃居庸關順州之北乃古北口景州東北乃松亭關平州之東乃榆關即山海關自後唐為契丹阿保機都於此其地平州

為要害至遼天祚時其將張敦守平州以平州降宋金人取之並擄天祚而遼亡時宣和七年乙巳也至紹興二十年金主亮以上京僻在一隅城燕京徙居之改析津府為大興府號中都以中京會靈府為北京汴京開封府為南京而舊遼陽府為東京大同為西京如故元世祖問劉秉忠曰今之定都惟上都大都耳何處最佳秉忠曰上都國祚短民風淳大都國祚長民風淫遂定都燕之計

明洪武元年改大興府為北平府二年立北平行中書省三年封燕王九年革行省設承宣布政使司初欲建都於此以修撰鮑煥力諫而止永樂元年正月禮部尚書李至剛言北平布政司實興王之地宜遵太祖中都之制立為京師制曰可其以北京上雖臨御猶稱行在十八年宮殿成去行在之號洪熙元年復稱行在正統六年復去之以應天府為南京

洪武元年改北平府詔一海宇以安人心正國統而君天下理勢所在古人皆然自羣雄乘亂以來四方思治惟切元綱已廢疆土遂分執拯斯民以定於一

顧予非德造此丕圖荷上天眷祐臣鄰翊贊肇基江左平定中原睠惟幽薊實被根本命將北伐列郡皆順已於洪武元年八月初二日克取燕城兵無犯於秋毫民不移於肆市捷音來奏殊副朕懷今改燕城為北平府命官屯守海宇既同國統斯正方與生民共享安平之福尚賴內外臣僚夙夜公勤匡朕不逮永樂十八年建北京詔開基創業興王之本為先繼體守成經國之宜尤重昔朕皇考太祖高皇帝受天明命君主中華創立江左以肇邦基肆朕續承大統

嘉齊春明夢餘錄 卷一

七

恢弘鴻業惟懷永圖眷茲北京實為都會地勢雄偉山川鞏固四方萬國道里適均惟天意之所屬實卜筮之攸同乃倣古制御輿情立兩京置郊社宗廟創建宮室上以紹皇考太祖高皇帝之先志下以開子孫萬世之弘規且於巡狩駐守實有便焉爰自營建以來天下軍民樂於趨事天人協贊景既駢臻今工已告成選以永樂十九年正月朔旦御奉天殿朝百官誕新治理用致雍熙於戲天地清寧衍宗社萬年之福山河綏靖隆古今全盛之基

永樂十九年北京御朝詔朕荷天地祖宗眷祐繼承大統撫馭萬方夙夜祇勤率遵成憲乃者紹皇考太祖高皇帝之志效成周卜洛之規建立兩京為子孫帝王萬世之基爰自經營以來賴天下臣民殫竭心力涉寒暑冒風霜趨事赴工勤勞匪懈朕心眷念拳切不忘今宮殿告成朕已御正朝祇祀天地祖宗社稷懋圖治理嘉與維新重懷寬恤之仁用廣好生之德大赦天下

嘉齊春明夢餘錄 卷一

八

史記天官書云中國山川東北流其維首在隴蜀尾沒於勃碣唐書天文志云箕尾析木津也初尾七度餘二千七百五十秒二十一少中箕五度終南斗八度自渤海九河之北得漢河間涿郡廣陽及上谷漁陽右北平遼西遼東樂浪元菟古北燕孤竹無終九夷之國尾得雲漢之末派龜魚麗焉當九河之下流濱於勃碣皆北紀之所窮也

京師地最高去通州四十里地高五丈河中置十閘始可行舟去上都一千里地高四十丈

洪武初定淮甸得焉國用問以定天下大計國用對

曰金陵龍蟠虎踞真帝王之都願先渡江取金陵置都於此然後命將出師掃除羣寇倡仁義以收人心天下不難定也上曰吾意正如此及克太平召陶安問之對如國用且曰據長江之險出兵以臨四方何向不克此天所以資明公也上嘉納之遂定計取金陵擒元將陳瑄先等入其城遂置都焉其後既定中原復以汴梁為北京以臨濠為中都逮平陝西欲置都關中後以西北重地非自將不可議建都於燕以鮑頌力諫而止金陵北阻長江南扼吳會雖稱華麗然風氣之厚形勢之雄終不如西北扼天下之喉而拊其背為最勝昔孫吳東晉以迄宋齊梁陳皆偏安江左迭興迭廢何能為帝王孔明所云鍾山龍蟠石城虎踞真帝王之都者蓋當時欲與孫吳結好姑為此言以廣其意未必然也其後成祖改都燕京而以金陵為南京爰致太平垂三百禩可謂善繼先志矣建文初戶部侍郎卓敬密奏曰燕王智慮絕人醉類先帝夫北平者強幹之地金元所出興也宜徙燕南昌以絕禍本夫萌而未動者幾也量時而為者勢也

嘉善春明夢餘錄 卷一

九

勢非至勁莫能斷幾非至明莫能察建文不能用夫使卓司農之說行寧有靖難之事乎其後徙寧王於南昌及其叛也滅之不旋踵文皇蓋陰用其言也郭子章都論古今論形勢之都曰秦曰洛而洛不如秦則自漢以來言之婁敬說漢高曰洛陽天下之中有德易以興無德易以亡秦地被山帶河四塞以為固秦之故地據天下之吭而拊其背也張良曰洛陽四面受敵非用武之國關中左殽函右隴蜀阻三面而易守敬說是也漢竟都關中二百年而王莽篡宋藝祖欲都長安晉王諫曰在德不在險藝祖曰吾將西遷者欲據山河之勝而去冗兵都汴不出百年天下民力殫矣宋竟都汴百五十年而徽欽擄議者謂洛不如秦似矣顧辟雍之詩曰考卜維王宅是鎬京維維正之武王成之則周之都鎬卜也周書曰我卜河朔黎水我乃卜澗水東溲水西惟洛食我又卜灑水東亦惟洛食則周之都洛亦卜也夫周卜鎬西東南北無思不服矣而復憐憐營洛者豈知其子孫終東遷耶鎬距秦咫尺當其時何不卜秦而卜洛耶

嘉善春明夢餘錄 卷一

十

舍秦營洛周公未爲無見不徒專恃其德已也周歷八百都洛五百豈洛之王氣或加於鎬秦耶微獨周也都秦者西漢二百餘年唐二百八十年秦皆其二世亡其長短之數可睹已都洛者東漢西九十五年魏晉百年唐末徙洛至宋靖康在汴洛間二百二十年拓跋完顏又百年其長短之數又可睹已則洛何不如秦哉夫秦天下之首也洛天下之腹也首之爲體尊而腹之受大其可以都一也明興定都金陵似若循六朝之舊洪武初營汴爲北京則亦周公意

嘉善春明叢錄

卷一

十一

也末年東宮營秦則亦叟敬張良藝祖意也而卒不果豈天將以待燕耶成祖之營燕也當時臺諫交口不使主事蕭儀言之尤峻豈不以燕爲金元故都非中原之都乎豈不以金祚僅百年元祚不盈百年非宜都乎蓋未識土意所屬也成祖曰北平之遷吾與大臣密計數月而後行今其所密計者卽不得聞以愚度之其說有四燕非金元始也周爲召公封國由召公傳丹書歷四十三世九百餘年跡周歷三遷之宜遷一古享國長久者靡不遷都而始於燕也

周始鎬遷洛漢唐始秦遷洛宋始汴遷杭然皆迫於兵戈旤於戎狄不得已而後去故靖難之後因而遷徙亦以爲子孫長久計耳宜遷二西漢起漢中都秦東漢起南陽都洛唐起太原都秦宋起宋州都汴元起開平都燕明太祖起鳳陽都吳成祖曰吾起燕都燕耳宜遷三天下之禍莫烈於鹵吾今子孫自當之庶幾四海豪傑輻輳都下足與鹵角宜遷西成祖密計或不出此四者彼書生之見豈足以達英雄之略哉雖然狂鹵隔一邊垣正統已已之變嘉靖庚戌之

嘉善春明叢錄

卷一

十一

突可鑿也漕河僅一衣帶水元人海運之劫脫脫水田之議當講也果兵足以制鹵食足以自固則太行易水之間卽國家億萬禩無疆之宅也又何必問秦洛之強弱哉李時勉北京賦惟皇明之受天命也我太祖皇帝首仗義師以平暴亂豪傑昇從聲振江漢削除僭竊拯民塗炭定鼎金陵撫綏萬邦乃瞻茲土寶雄朔方倣成周之一洛欲竝建而未遑逮我聖上繼明重光握乾御極一遵舊章仁聲洋溢于遐邇恩澤汪濊於八

荒既致治於太平遵皇衢以省方仰先志之未遂度
弘規以作京羌經營之伊始徧夷夏其懽騰曰惟北
都在冀之域右挾太行左據碣石背疊險兮重關面
平原兮廣澤宗恒嶽其巍魏鎮巖間而奕奕冠九州
之形勝實爲天府之國是以軒轅邑之以分州唐堯
階之以爲帝擴神化以宜民大勳德之光被鬱玉氣
之所鍾於今茲而有待也於是仰瞻析木俯測地靈
龜筮兆吉天人叶應神祇獻珍而山石自出河嶽效
靈而神木自行民子來兮相續期不日而功成爾乃

喜齋春明夢餘錄

卷一

圭

懸水樹泉識景表營方位既正高下既平羣力畢舉
百工並興建不拔之玉址拓萬雉之金城引天泉於
西阜環湯池而鏡清九衢百屋之通達連薨邃宇之
縱橫顧壯麗其若此非燕逸而娛情蓋所以強幹而
弱枝居卑以御輕展皇儀而朝諸侯遵先軌而播風
聲者也若乃四郊砥平王道正直視萬國之環拱適
居中而建極其南則萬流宗海平林蔽天攬邯鄲鉅
鹿之廣衍馳平疇沃野之綿延漭於恒衛經其野滯
磁涑桑滙其前界以大陸廣阿之弘壤掩以大茂井

陘之連山包絡趙魏襟帶齊魯膏腴之地綿亘三
餘里而極於黃河伊潁之川其水陸之所產卓犖繁
盛蓋莫得而計焉其址則疊嶂巒危層巒蔽虧長城
矗乎雲表百泉湧乎山隈壯天關而設險守一夫而
莫開偉左盤而右顧宛鳳舞而龍飛實磅礴而鬱積
粵擁衛於邦畿包狼山上谷之阻據野狐獨石之危
掩祖山木葉之灘立連白登紫塞之逶迤控女真而
極乎洮河之北鎮朔漠而逾乎瀚海之淵擅裘之類
犬羊之羣畏威懷德相率而來歸其東則路河通漕

喜齋春明夢餘錄

卷一

山

控引江淮肥如灤涑灌注縈迴連峯片石之隘首陽
崆峒之崖玉田白璧神仙瑤臺超無終而越金山跨
遼瀋而逾鴨綠至於湯谷日出之涯罔已遐哉遊乎
而莫不在乎綏懷環以大海衆水所歸洪濤巨浪洶
湧崔嵬蓋不知其幾千萬里而蠻商番舶帆檣隱天
上下不絕而往來又有蓬瀛方壺鳳麟聚窟十洲三
島靈異非一流精之闕瓊華之室塘城岩堯金臺
律紫氣丹青景雲囑口靈簡倭佞安期美門之倫相
與從游於其間出入一覽而恍惚瞻帝京其伊邇庶

可見其駉鸞鶴之髣髴其西則崇山鬱翠高挹泰岱北接居庸南首河內奇峯擁關龍門阻臨玉泉垂虹青烟浮黛上徹冥兮倚空下蟠據而際海其麓則有渾河湯湯西湖泱泱鹽濤琉璃桑乾廣陽雪波泛湧灑漾汪洋一瀉千里會流帝鄉又有上林禁苑種植畜牧連郊踰畿緣邱彌谷澤渚川匯若大湖瀛海渺瀰而相屬其中則有奇花珍果嘉樹甘木禽獸魚鱉豐殖繁育麀麇籍籍不可得而盡錄固可以因農隙而校田徹選車徒以講武事乃遵國風稽王制詔

暮齋春景錄

卷一

五

期門簡將帥乘玉輅擁翠蓋出天關而雷轟驟芳郊而雲翕非所以威戎誇狄娛樂騁意蓋將取不姓而除苗害符無擇而順殺氣謹大易之用於三驅之時驗騶虞之仁於一發之際水衡虞人之容與武夫壯士之奮厲皆知夫仁者之為勇而投石超距之足鄙亦何必殄夷禽獸割鮮野食而以俛仰極樂之為貴也若夫其宮室之制則損益乎黃帝台宮之宜式遵乎太祖貽謀之良居高以臨下背陰而面陽奉天凌霄以磊砢謀身鎮極而崢嶸華蓋崇以造天假特

處乎中央上倣象夫天體之圓下效法乎坤德之方兩觀對峙以嶽立五門高聳乎昊蒼飛閣以奠乎四表瓊樓鬼以立於兩旁廟社並列左右相當東崇文華重國家之大本西翊武英嚴齋居而存誠彤庭玉砌壁檻華廊飛簷下啄叢楹高驥闔閭其蕩蕩儼帝尼於將將玉戶榮華星之炯晃璇題納明月而輝煌寶珠焜耀於天闕金龍天矯於虹梁藻井煥發綺窓玲瓏建瓴聯絡複道迴迴軼霄漢以上出俯日月而盪胸五色炫映金碧晶瑩浮輝揚耀霞彩雲紅

暮齋春景錄

卷一

六

其後則奉先之殿仁壽之宮乾清坤寧眇麗穹窿掖庭椒房闈闈通其前則郊建圓邱合祭天地山川壇壝恭肅明祀至於五軍庶府之司六卿百僚之位嚴署宇之齊設比館舍而並置列大明之東西割文武而制異至於京尹赤縣之治所王侯貴戚之邸第辟雍成均育賢之地守羽林而掌飲飛者至九十而有四衛莫不井列而碁布各雄壯而偉麗其岩廊之上則有臯夔稷契之倫元凱俊乂之輩相與賡虞廷之歌談義農之際馨補袞之能懷忠貞之志考禮文

於大備贊聲樂之盡美是以朝無缺政德教漸暨薄
海內外均陶至治幸其有作事來邇事成此大功忘
其勦勦人和既極休徵滋至慶雲瑞靄之覆於闕庭
素鳥元兔之獻於丹陛醴泉屢由甘露數應麒麟騶
虞之珍馴獅天馬之類紛紜雜選莫能殫記於以見
天眷之益隆而聖德之純備者也於是正月上日工
既訖功爰告成於天地肆紹美於祖宗清心凝慮齊
沐肅雍燦盛既潔牲牲既豐芬郁郁以旁達靈續續
其來降錫嘉貺之穰穰介景福於帝躬將順應於昌

喜齋春明叢錄

卷一

七

期趾盛美於無窮乃服袞冕御帝座開九重之深宮
受萬邦之朝賀內侯甸而要荒外殊方而異俗胥近
悅而遠來紛鼓舞而匍匐方物溢以充庭麥稊燦而
駭囑率舞蹈於階墀效華封之三祝爾乃浹和會昭
景鏗鏗鐘奏雅樂詔光祿以開筵台百辟而燕樂
饌珍玉兮芳馨疊瓊漿以斟酌聯貂蟬兮夾陛雜蠻
夷之荒服莫不酣暢而飽德咸頌歌而踴躍越填城
而溢郭萬歡聲於寥廓斯可以媿太古之無爲慶華
胥而踴栗陸顛皇土之謙抑視至治爲未足於是降

德音播嘉惠省刑罰薄賦稅汰冗濁旌廉吏舉賢才

擢俊乂發倉廩賑貧匱尊高年而禮有德慎防禦而

修武備貴爵重賞以厲廉恥厚往薄來以馭夷裔蓋

欲使人知所本士知所勸四方萬國無一民之失所

窮陬僻壤無一物之不遂舉陶於春風和煦之中而

樂於雍熙泰和之治此蓋堯舜兢業之心文王敬止

之意所以紹鴻業繼先志益宏遠而有偉故不勞而

甚易冠絕乎前古垂休於後世固可必聖子之與神

孫蓋昌盛而無替小臣微陋忝職文字願賦帝都之

喜齋春明叢錄

卷一

八

盛槩揚國美於萬禩復爲之歌曰煌煌帝都兮逾錫

豐阻山帶河兮壯以雄天開日明兮王氣所鍾穹隆

造天兮惟帝之宮廓氛祲兮開溟濛鎮夷夏兮宣皇

風王道平平兮四方來同願皇圖之鞏固歷萬世兮

無窮

元人橋李願淵白嘗入京獻燕都賦翰林元復初不

喜曰今大朝四海一統六合一家燕蓋昔時戰國名

何燕之稱

古香齋鑿賞袖珍春明叢錄卷之一

古香齋集袖珍春明夢餘錄卷之二

北平孫承澤著

形勝

幽燕自昔稱雄左環滄海右擁太行南襟河濟北枕居庸
蘇秦所謂入府百二之國杜牧所謂王不得不可為王之
地楊文敏謂西接太行東臨碣石鉅野巨其南居庸控其
北勢拔地以崢嶸氣摩空而前劣又云燕薊內跨中原外
控朔漠真天下都會桂文襄云形勝甲天下展山帶海有
金湯之固蓋真定以北至於永平關口不下百十而居庸

寧齋春明夢餘錄

卷二

二

紫荆山海喜峰古北黃花鎮險阨尤著會通漕運便利天
津又通海運誠萬世帝王之都

太行自西來演迤而北綿亘魏晉燕趙之境東而極於暨
無間重岡疊阜鸞鳳峙而蛟龍走所以擁護而圍繞之者
不知其幾千萬里也形勢全風氣密堪輿家所謂藏風聚
氣者茲地實有之其東一帶則汪洋大海稍北乃古碣石
稍南則九河既道所歸宿之地浴日月而浸乾坤所以界
之者又如此其直截而廣大也况居直北之地上應天垣
之紫微其對面之案以地勢度之則泰岱萬山之宗正當

其前也夫天之象以北為極則地之勢亦當以北為極易

曰良者東北之卦也萬物之所以成終而成始也良為山
水為地之津液而委於海天下萬山皆成於北天下萬水
皆宗於東於此乎建都是為萬物所以成終成始之地自
古所未有也前乎元而為宋宋都於汴前乎宋而為唐唐
都於秦在唐之前則兩漢也前都秦而後都雒然皆非冀
州境也雖曰宅中圖治道理適均而天下郡國乃皆背之
而不面焉者孔子曰為政以德譬如北辰居其所而眾星
拱之易曰離萬物皆相見南方之卦也聖人南面而聽天

寧齋春明夢餘錄

卷二

二

下嚮明而治夫以北辰為天之樞居微垣之中而眾星
之所向則在乎南焉今日京師居乎艮位成始成終之地
介乎震坎之間出乎震而勞乎坎以受萬物之所歸體乎
北極之尊嚮乎離明之光使夫萬方之廣億兆之多莫不
面焉以相見則凡舟車所至人力所通者無不在於照臨
之中自古建都之地得天時下得地勢中得人心未有
過此者也

朱文公熹曰冀都天地間好個大風水山脈從雲中發來
前面黃河環繞泰山登左為龍華山登右為虎嵩山為前